

S 134(3)

Mekhwa Tya Borapedi Bya Kxale. K34/5

A4/8/5

PP, 1-2

Ancestor Worship (Molepo).

J Kgoadi Mpe

Boxolo-xolo batho ba be ba rapêla Modimo ka badimo. Modimo o be o le xona o tsebya o bopileng batho le diphôôfôlô. Lebitso la ona ba re ke Hwebeane a Thodia horo.

Diphôôfôlô tša naxa di be di bitšwa kxomo tša xaxe. Ba re ke yêna a bopileng dithaba le mehlare dilô ka moka, tšeo re di bonang di diilwe ke yêna. Ba be ba mo rapêla ka badimo e leng batswadi ba bona ba hwileng. Leloko la lengwê le le lengwê le be le nee badimo ba lona.

Motho e moxolo xe q hwile ba re o xoxole ba xabô ba mmiditše. Ditetekwane le mahwana a re a bonang le lehono xa se ona badimo ke batseta ba išang ditaba badimong. Badimo bona ba di iša xo Modimo Mathomong a ngwaxa o mong le o mong xe xo fongwa dijô tše dipsa xo apewa mabyalwa xo a tšewa le tšona dijô tšeg tše tšale ka marotse le tše dingwê tša išwa badimong ba bexelwa ya ba xona di ka llewang. Kele xo moo xa ba thome, o tla kwa ba re e se ra loma. Xe ba rapela ba be ba thoma ka e moxolo ba feleletša ka e monyenyanane.

Ditetekwane tšena xe motho a ka di senya kapa a di nyefola o ba le molato o moxolo. Xe motho a thsweniyexa a sa bone bana mme ngaka xe e laola ya re xo xana badimo, o be a botša baxolo ba xaxe ba bitšana ka meloko ya bona ba ya mabitteng ba mo rapêlêla mme badimo ba mo rwabalêla a atlêxa. Badimong ba be ba e ya le phôôfôlô, e a hlabya ba xaša lebitla le kxoši ka madi le mešwang le nama ba e sese ba e tloxele ke kabêlô

ya badimo. Motho ya bajwang o beelwa pheko ke ngaka, pheko ena xo rapelwa ka yona badimo e thsireletsa molwetši baloi le malwetši ka matla ao e a fiwang ke badimo ka xobane e bewa ka taélô ya bona xa e bewe fêla.

Ngaka xe e alafa motho e rapela badimo ba bo yona xo re ba e thusê e atlêxê mošomong wa yona. Ngaka ena e thswanetše xo fa badimo kabêlô ya sep e se humanang ka bo-ngaka xo seng byalo ba tla e xalefêla ba e thlokiša mathlatse mohlomong a ba a fetelwa ke malwetši ao a a alafang tla mokxwa op ngaka e re ke dihlare tsešo le badimo. Mme xe a alafa batho o tumiša badimo babô. Ngaka e be e tšea dillô tša batho xo di iša badimong bona ba di fetišetša xo Modimo xoba ba dula le ôna. Ngaka e ne e se na matla a xo dia selô ka ntlê le tumêlêlô ya badimo. Dintwa le masolo le matšema xe a tla laolwa xo kxopelwa bona mme ba ba dumêlêla.

end s 134